



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

An Extraſt of a Letter to the Publisher from a *Spaniſh* Profeſſour of the Mathematicks, propoſing a New place for the firſt Meridian, and pretending to evince the Equality of all Natural daies, as alſo to ſhew a way of knowing the True place of the Moon.

Cum totus Orbis, Clariffime Vir, Sereniſſimi Magnæ Britannię Regis laudatiſſimum inſtitutum Regiæ Societatis maximi faciat, poteſt illud antiquum revocare, Regnum iſtud ſœlix, ubi Rex philoſophatur. Jam indies utilitates ab hoc dimanantes abundè dignoſcuntur, & literati ex omnibus terræ locis, tanti Mecænatis auſpiciis, certatim Novi & Certi aliquid conantur in lucem aſſerre. Etſi ego ingenii mei tenuitatis non ſim ignarus, tamen non reticebo mecum à teneris ad ſcientias deſiderium & conatum, quo impellente per annos undecim præcipuas Europæ Regiones & Regna ſum pervagatus: Inter ea, mihi in Anglia fuit per annum commoratio; quare Anglicam Humanitatem expertus, non dubito, quin, etſi ignotus, & prope Herculis columnas degens (ubi antiquitus terræ finis putabatur) gratiam & benevolentiam à te, clariffimo Viro, ſim impetraturus. Eſt inter homines Societas illa humana quæ nos conjungit, & in nobis ſtudiorum conſenſus, amoris Vinculum coarctans; ideo non eſt quod diffidam, Te mea Vota aliter accepturum, quàm ſoles Exteriorum aliorum ſcriptis benignè reſpondere.

Etſi omnes Mathematicarum partes ex animo colam, tamen Geometria & Aſtronomia mihi in pretio maximè ſunt; & cum primò occurreret, quis in Globo Terraqueo locus, Longitudinis principio eſſet aptior, nullam inveni inter auctores, quos legebam, concordiam; aliis Hæſperides Inſulæ pro primario Meridiano placebant; quibuſdam Corvi Inſula; pluribus Fortunatæ inſulæ; non-nullis Palma Inſula; aliis alia atque alia loca, de quibus ingeniouſus Stevinus multa diſſerit; quanquam in omnibus locis his, & pluribus aliis,

Longitudo terrestris possit insigi atque constitui, attamen videbatur mihi, aptiorem locum querendum, qui omnibus prædictis esset antepponendus, & concordiam ferret inter Geographos.

Est vero terrestris Longitudo, Arcus æquinoctialis ab uno ad alium Meridianum interceptus, sive temporis spatium, quod per æquinoctialem numeratur, inter duo loca; quare consonum fuerit, Longitudinis principium in ipso æquinoctiali constituere. Insuper, cum circulus iste æquinoctialis Globum in Borealem & Australem partem dividat, si detur hujus primarii Meridiani fixatio, in eo erit inter Boreales & Australes æquitas atque conformitas. Deinceps, oportet, ad præcisionem, locum hujus primarii Meridiani esse parvum, ut Longitudinis numeratio exactius exprimatur: Non, ut aliqui, qui omnes Insulas fortunatas pro hujus principio assumebant, & distantiam duorum graduum, inter earum aliquas non notabant; quod certè absurdum nimis erat. Iterum, præcautio alia est habenda, ut primarius Meridianus non confundatur cum terris et locorum imaginibus in Globo vel Mappa exaratis, quod fiet, si per medias Terras transeat; ideo statuendus in loco hujus confusionis experte; & si præcipuas Terra partes dividat, ut Americam, Africam & Europam, per Mariam transiens, erit eo aptior & convenientior in Globi Terraquei representatione; quas omnes memoratas causas considerans, postea inveni, quòd Natura (nihil frustra suppeditans) posuit sub ipso Æquinoctiali circulo Insulam quandam prope Brasiliam, olim Abroxos nominatam, quæ Insula distat à Terræ Pico Gradus 9. Occidentiores, & ab Uraniburgo gradus 42. Occidentiores; in qua inveniuntur omnia ad Primarium Meridianum conducentia, ut à me aestimatur: Hac de causa pergratum mihi erit, si Claritas tua hanc meam opinionem & inventum in Societatis Regiæ Congressu proponat, ut, si probetur ab ipsis, Universalis sit posthac inter Geographos Consensus, & mihi gratuler aliquid Eximiæ Regiæ Societati grati attulisse.

Transeo ad alia: Non parvum adhuc est dissidium inter Astronomos, quanta sit in æquando tempore Prosthaphæresis, ita ut Longomontanus fateatur, nullam in Astronomico pulvere majorem difficultatem se invenisse; quod cum notarem, animadverti in quibusdam Cæli observationibus à me factis, quid ex illis eveniret;

Et, cum mihi esset Horologium rotatile pendulum, admodum exactum, Lineâ Meridianâ artificialiter constitutâ, examinabam Solis in Meridianum ingressum, singulis diebus; cum quo ad amissum Horologium meum congruebat, & si discrepabat aliquando, rarissimè duobus minutis discriminabat, quod, cum opus erat, emendabam. Quare per triennium continuando & quotidie Solem in Meridiano observando, cum licebat (quod in hac Regionis parte sæpe sapius fit) inveni tandem nullam Diem Naturalem longiorem revolutionem, in uno vel alio anni tempore, aliâ die habuisse: Unde intrepide dico, omnes Dies Naturales aequales esse, & si adhuc aliqua differentiola intercedit, non esse sensibilem. Hoc volui notum facere, ut Astronomos hoc scrupulo liberarem, quod tam multos torset & indies torquet, quamquam Tychonica æquatio propter Eclipticæ obliquitatem non sit rejicienda.

In Lunæ motibus non parùm his præterlapsis annis desudavi, & quia instrumentis magnis carebam ad perficiendas observationes, ferè animum demissè; sed, Mercurio instigante, & difficultate rei magis incensus, tandem inveni modum Lunæ locum sciendi, exili quodam instrumentiolo tantum adjutus; nam cætera Triangulorum ratiociniis perago; & quod mirum est, nec Refractiones nec Parallaxes meis observationibus obsunt, quia ingeniosa Methodus his tricis me liberat. Perfecì plures quàm Centum observationes Lunares & aliorum Planetarum, primò non adeo exactas ut desiderabam, sed postremò ad unum vel duo Scrupula eorum loca capiebam, & sic continuando per plures observationes congruentes, inveni, distantiam Civitatis Hispalensis longitudinariam, esse ab Uraniburgo Nonaginta minuta, sive Horam cum dimidia, vel intra duo minuta differentem: Possum hac Methodo Terrâ Marique uti; Ideo tabulis Lunæ correctis non amplius Modus, desideratas locorum Longitudines captandi, in omnibus Terræ Marisque locis, ignorabitur (Astris conspectis) quod, cum oportebit, experientiâ comprobabo. Nondum differentiam alicujus magni momenti inter Lunæ locum, mea Methodo observatum, & numeris Tychonicis inventum, percepi, & hic infra, Eclipsim Lunarem tradam, à me in hac Civitate observatam, quæ omnibus numeris congruit

Tychonicis Tabulis, sed in quibusdam aliquantulum à me emendatis. Observatio fuit admodum exacta; nam Sole prope Horizontem existente, per hujus loci Altitudinem Minutorum tempora facile innotuerunt: Cetera meo Horologio (quod ne unum quidem minutum ea die discrepabat) notavi, ita ut nulli dubio in observatione detur locus. Hujus ratio sic est,

Observatio Lunaris Eclipsis *Hispali* peracta, die 21 *Januarii* styli Novi *Anni* 1675.

	hor.	
Initium veræ Umbræ	4 56	P. M.
Immersio	6 1	
Emergio	7 33	
Finis	8 39	& aliquantulum productior.

Jam Tempus est, ut te dimittam, Vir Clarissime, & quamquam plura remaneant impertienda, in aliud tempus differam, ut interea etiam scire possim, an tibi hæc mea lucubrationes placuerint, & reciprocum in te amorem invenerim, quod ex animo opto. Vale quam diutissimè. Data *Hispali* 20 die *Augusti* styli Novi Anno 1675.

A Return to the former Letter.

Quod veteris hospitii, exhibitaque olim in Britannia nostra humanitatis memor, Vir spectatissime, Philosophicum ejusmodi, quale Epistola tua continet, redhostimentum nobis transmittere voluisti; in eo equidem generosam virtutis tue indolem abundè contestaris. Gratulamur nobis quam maxime, quod & in Herculis Columnarum vicinia viri illustres degunt, qui in Scientiarum decus & augmentum suas nostris consociare operas cordatè satagunt; quos inter cum Tu, Vir Egregie, eminerere nobis videaris, ob insigniorem Geometria & Astronomiæ cultum, magno sanè affectu Te & studia tua amplexamur. Tibique commercium nostrum Philosophicum; inter ceteros reip. literariae cives, summa cum lubentia oblatum volumus. Caterùm, cum Regia nostra Societas catus suos publicos æstivis mensibus suaverit intermittere, nec eos hac æstate in hunc usque diem instauraverit; Ego autem debitam Tibi responsonem diu nimis protelare noluerim; En tibi Regii nostri Astronomi, Doctissimi Flamstedii, Epistolam, quam perlectis & pensitatis literis tuis ad me dedit, in hac verba hîc subjunctam;

Amico plurimùm colendo

Dom. Henr. Oldenburgio Regiæ Societati à Secretis.

Joh. Flamstedius S. P.

Cum me rogaveris, Vir Clarissime, ut meam, pro munere quo fungor Astronomico, de iis, quæ in nuperis ad Te datis literis asseruit Profeffor *Hispalensis*, opinionem referrem, rem quâ possum brevitate expediam. Missis autem hac vice iis, quæ de *Primi Meridiani* loco ingenuè admodum differit, ea duntaxat, quæ de *Æquatione* dierum, deque Instrumentiolo,

quo-

quo-cum suas peragit Observationes , pronunciavit, nonnihil excuriam.

Dies igitur, ut hinc ordiar, quomodò æquales esse possint, & tamen *Æquatio Tychonica* admitti, vixime capere fateor. Ob inæquales etenim æqualium *Eclipticæ* partium Rectas Ascensiones dies unus *Æquinoctialis* Tropico uno brevior erit scrupulis horæ secundis 40"; & dies 14 Tropici, totidem *Æquinoctialibus* longiores sunt sextâ horæ parte seu scrupulis primis 10'. Hanc autem differentiam majorem credo, quam ut eam in observationibus suis non perciperet Professor *Hispalensis*, proindeque ipsum in examinandis iis *Tychonicam* temporis *Æquationem* adhibuisse autumem; quod num reverâ fecerit nec ne, rescribat oro.

Sed & ponamus, *Æquales* esse Primi Mobilis revolutiones (quod nulli, qui *Ptolemæicam* Hypothesin admittunt, unquam iverunt inficias) necessariò consequitur, nec *Æquationem* Temporis, ab Inæquali Solis in orbita sua incessu enatam, rejiciendam esse: Etenim cùm *Apogæus* quotidie promoveatur tantùm 57'. 10", *Perigæus* verò 61'. 15"; Apogæus equidem citiùs 16", seu tempore absumpto dum Primum Mobile revolvit 4'. 5", à meridie in Meridianum diei sequentis recurret, quàm Perigæus: Attamen, quandoquidem progenita ex hac causa *Æquatio* tardiùs admittit diurnum incrementum, scilicet 8" quotidie; ad summum cùm velocissima, & vix diebus 15 ad duorum scrupulorum quantitatem excrefcit, eâ, cujus ille meminit, duorum scrupulorum emendatione in horologio suo ablatam credo: de qua videat propterea Vir doctissimus; atque, si observationes repetat, de peralto sibi gnomone, nec non de linea Meridiana, accuratè in firmissimo lævigatoque pavimento designata, prospiciat, curamque adhibeat, ut eandem semper Horologii Perpendicularum longitudinem servet, cùm secus in incertum omnirò reditura res sit. Hisce verò probè observatis curatisque, nullus dubito, quin temporis *Æquationem* sit percepturus: qua de re si ceteriores nos faciat, rem omnirò gratam nobis præstabit, qui pares hinc observationes meditamur.

Demum

Denum verò, si in *Copernicanam* hypothesin sit pronior, quàm in *Ptolemaicam*; in ea etiam, suppositis Terræ isochronis revolutionibus, eadē consequuntur *Æquationes*; de quibus in Diatriba mea, posthumis *Horroxii* nostri operibus insertâ, (siquidem ea in *Hispaniam* pertigerit,) fusius edisseratum comperiet. Fateor equidem, amoveri posse & in contrarium trahi, ab inæquali incessu Solis in orbita sua proveniente temporis *Æquationem*, si inæquales Terræ vel Primi Mobilis (perinde enim est utrum horum statuerimus,) Revolutiones supponamus: Sed si Temporis naturam bene perpendat, faciliè intelliget, impossibile esse, omnem ejus inæqualitatem removeri.

Quod de Instrumentiolo suo scribit, fidem meam (quod bonâ ipsius veniâ dictum velim) superat. . Privari enim Luna nec Refractione nec Parallaxi in horizonte nostro potest, nisi ad *Zenith* aliquando posset pertingere; eousque enim extenduntur, ejusque locum implicant Refractiones: Definit in nonagesimo gradu *Eclipticæ* semel tantum de die Longitudinis Parallaxis, sed Latitudinis non perinde. Nec satis capio, quomodo fabricari instrumentum possit, quod unâ cum Parallaxi Refractionem, cujus incrementum longè diversam habet rationem, consideret. Videat etiam Epistolæ illius Author, quomodo Meridiani *Hispalensis* ab *Uraniburgico* interstitium scrupulorum 90' constituerit: Deliquii enim Lunæ Observationes *Januar.* $\frac{1}{11}$ 1675, *Londini* medium ponunt h. 7. 11 $\frac{1}{2}$ p. m; cui annotationes *Parisiæ* consentiunt; dicti Professoris Observationes medium *Hispalis* statuunt h. 6. 47': Nostrorum ergò Meridianorum differentia 24 $\frac{1}{2}$ ': At Nos inter & *Uraniburgum* non intercedunt nisi minuta 52'. Est igitur Meridianorum differentia nonnisi 1 h. 16 $\frac{1}{2}$ ' inter *Hispalim* & *Uraniburgum*. Vereor tamen, annon oculis nudis Domini Professoris factæ fuerint Observationes: Incidentiæ quippe & Emergionis tempora faciunt 1 h. 5'; cùm *Nostre*, *Parisiæ*, *Helveticæ*que Observationes non faciant ea tempora plus quàm 1 h. 1 $\frac{1}{2}$ ', forsan aliquantulò minus. Rogo igitur, Telescopio imposterum Observationibus suis adhibeat, nobisque significet, quomodo ipsius cum nostris *novissimis* Eclipses Observationes

servationes congruant, quam hîc *Londini* in ædibus *Jonaæ Mori* Equitis observavimus, scil. *Janii* 27. 1675. ft. vet.

Initium, manè hora ————^{h.} 1. 46.

Iummerfionem, hora ———— 2. 57. ferè.

Præterea Dom. Professore rogés, oro, ut observatam *Poli Hispanensis*, ut & *Conimbria*, si consecutus est, Altitudinem nos edoceat. Valeas, & Amplissimo Viro, nomine meo, salutem plurimam dicas. Dab. *Grenovici* Sept. 14. ft. vet. 1675.

Hæc sunt, quæ Flamstedio nostro, viro certè in Astronomicis versatissimo, inque Observationibus peragendis accuratissimo, visum fuit ad epistolam tuam annotare, quæ ut boni consulas, deque iis sententiam tuam proximè aperiās, oro.

Vale, Vir Spectabilis, & rem Astronomicam diligenter augere perge. Dab. *Londini* d. 15. Sept. 1675.